

RÉXIMES ECONÓMICOS DO MATRIMONIO

AS OS

RÉXIMES ECONÓMICOS DO MATRIMONIO

XUNTA DE GALICIA



XUNTA DE GALICIA
VICEPRESIDENCIA DA
IGUALDADE E DO BIENESTAR
Secretaría Xeral da Igualdade

ENDEREZOS E TELÉFONOS DE INTERESE:

- Teléfono de información ás mulleres: **900-400.273**
- Oficinas de I + B

AS PONTES
Antiga oficina de correos
Avda. de Castelao, nº36-1º planta
15320 As Pontes. A Coruña

CARBALLO
Casa da Xuventude
Valle Inclán, nº24 1º
15100 Carballo. A Coruña

MONFORTE
Edif. "Casitas" dos Escalopios.
Campo da Compañía s/n Baixo
27740 Monforte. Lugo

O CARBALLIÑO
Rúa Cerca, nº2 Baixo esq
32500 O Carballiño
Ourense

GONDOMAR
Rúa Emigrante nº 4 -6
36 380 Gondomar
Pontevedra

O PORRIÑO
Edif. Multiusos de Torreiros.
Rúa Riveira s/n
36410 O Porriño. Pontevedra

O feito de contraer matrimonio ten sempre consecuencias económicas para os contraentes

● ¿QUE RÉXIMES ECONÓMICO-MATRIMONIAIS EXISTEN NO NOSO DEREITO?

- Sociedade legal de gananciais.
- Separación de bens.
- De participación.
- Régimes forais.

Salvo que exista pacto entre os cónxuxes, en Galicia, o réxime económico matrimonial será o de sociedade de gananciais.

Normas comúns a todos os réximes económicos matrimoniais.

- Os gastos da familia deben atenderse cos bens de ambos os dous cónxuxes, tanto os propios de cada un deles como os comúns.
- Non se pode dispor libremente da vivenda habitual nin dos mobles que haxa nela, aínda que pertenezan a un só dos cónxuxes, se non é co consentimento do outro.
- Hai liberdade de pactos entre o marido e a muller, que poden comprar e vender entre si calquera clase de bens.
- Se falece un dos cónxuxes, o outro sempre ten dereito a que se lle entreguen as roupas e o enxoaval da vivenda habitual, sen que llo computen no seu haber, salvo que se trate de obxectos de extraordinario valor.
- Para acreditar que determinados bens son propios ou privativos dun dos cónxuxes é proba suficiente o recoñecemento por parte do outro consorte (confesión de privatividade).

Todo matrimonio está regulado por un réxime económico matrimonial.

● ¿QUE SON AS CAPITULACIÓNIS MATRIMONIAIS?

As capitulaciónis matrimoniais son os acordos que ANTES OU DESPOIS da celebración do matrimonio poden subscibir os cónxuxes e cuxo obxectivo principal é establecer a forma en que se vai regular a súa economía, a través do correspondente réxime económico matrimonial.

As capitulaciónis matrimoniais deben constar en documento público (escritura autorizada por notario), tanto o outorgamento previo ao matrimonio como a súa posterior modificación, e deberá inscribirse a súa existencia no Rexistro Civil. Para iso, o notario entregaralles unha copia aos esposos co fin de que se presente no Rexistro Civil en que está inscrito o matrimonio.

Se se realizan antes de contraer matrimonio, unha vez celebrado este, débensele comunicar ao mesmo notario os datos rexistráis do matrimonio.

Para que teñan validez as capitulaciónis pactadas antes do matrimonio, este deberase celebrar no prazo máximo dun ano desde a súa sinatura. Unha vez transcorrido este prazo sen celebralo, as capitulaciónis perden a súa validez.

¿Para que se pactan?

- Para determinar o réxime económico do matrimonio.
- Para adoptar outros acordos con motivo do matrimonio.
- Para modificar ou substituír o réxime económico nese momento vixente entre os cónxuxes.

As capitulaciónis matrimoniais pódense modificar por outras posteriores.

● ¿EN QUE CONSISTE O RÉXIME DE SEPARACIÓN DE BENS?

É aquel en que cada cónxuxe ten a propiedade e libre disposición e administración de todos os seus bens, sen preuizo da obriga que lles corresponde a ambos os dous cónxuxes de contribuír ás cargas e gastos de familia, de forma proporcional aos seus ingresos.

Se un dos cónxuxes presta o seu traballo dentro do ámbito do fogar familiar, esta dedicación considérase como contribución ás devanditas necesidades.

No réxime de separación de bens pertenecen a cada cónxuxe tanto os bens adquiridos antes do matrimonio como os adquiridos durante a súa vixencia.

¿Cal é o seu réxime de administración?

Cada cónxuxe pode administrar e dispor libremente dos seus propios bens e dereitos. Exceptúase desta regra xeral a disposición da vivenda familiar e os bens de uso familiar, que necesitan o consentimento do outro.

O Código civil dispón que, no réxime de separación de bens, o traballo doméstico dará dereito a obter unha compensación no momento da extinción do réxime.

● ¿EN QUE CONSISTE O RÉXIME DE PARTICIPACIÓN?

É aquel mediante o cal cada un dos cónxuxes adquire o dereito a participar nas ganancias obtidas polo outro cónxuxe durante o tempo en que estea vixente o devandito réxime.

Trátase dun réxime con pouco arraigamento na nosa sociedade, intermedio entre o réxime da sociedade legal de gananciais e o da separación de bens, e sempre se efectúa por pacto entre partes e ante notario.

De existiren descendentes comúns, só se poderá convir unha participación dun 50 por cento sobre as ganancias.

O réxime económico vixente ao inicio do matrimonio pódese modificar libremente durante este.

O réxime económico dun matrimonio non varía aínda que os cónxuxes cambien de residencia e de veciñanza civil.

¿Cando se dissolve?

- Por falecemento dun dos cónxuxes.
- Debido a sentenza firme de separación, nulidade e/ou divorcio.
- Por substitución deste réxime por outro diferente.
- Debido a sentenza que declare a incapacidade dun dos cónxuxes.
- A causa de declaración xudicial instada por un dos cónxuxes por diversas causas; por exemplo, quebra, abandono familiar, etc.